

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 57. sjednici, održanoj dana 21.05.2020. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za podsticanje proljetne sjetve za 2020. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2020. godinu, ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“

I.

Usvaja se Program utroška sredstava Budžeta Zeničko-dobojskog kantona za podsticanje proljetne sjetve za 2020. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“, u iznosu od 345.842,00 KM (slovima: tristotinečetdesetpet hiljadaosamtinačetdesetdvije konvertibilne marke) i čini sastavni dio ovog zaključka.

II.

Sredstva planirana ovim Programom utroška sredstava realizovaće se isključivo u skladu sa realizacijom ostvarenih javnih prihoda u Budžetu Kantona za 2020. godinu u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-11-721P/20
Datum, 21.05.2020. godine
Zenica

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ministarstvo finansija,
- 1x a/a.



PREMIJER

Mirza Ganić



**BOSNA I HERCEGOVINA
FEDERACIJA BOSNE I HERCEGOVINE**

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

PROGRAM

*utroška sredstava Budžeta Zeničko-dobojskog kantona
za podsticanje proljetne sjetve za 2020. godinu*

Zenica, maj 2020. godine

PROGRAM
utroška sredstava Budžeta Zeničko-dobojskog kantona
za podsticanje proljetne sjetve za 2020. godinu

Opći podaci o Programu

1. Program je usvojen: Na 57. sjednici Vlade Zeničko-dobojskog kantona održanoj 21.05.2020. godine.
2. Period realizacije Programa: Proljeće 2020. godine
3. Ukupna vrijednost Programa: 345.842,00 KM
4. Namjena Programa: Podrška Klijenata-jedinica lokalne samouprave u organizaciji intenzivnije proljetne sjetve
5. Korisnici Programa: Gradovi/općine Zeničko-dobojskog kantona
6. Izvor sredstava: Budžet Zeničko-dobojskog kantona za 2020. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i Zakon o izvršavanju Budžeta Zeničko- dobojskog kantona za 2020. godinu ("Službene novine Zeničko-dobojskog kantona", broj: 24/19)
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Mirnes Bašić, ministar

I - UVOD

Vlada Zeničko-dobojskog kantona je na 49. sjednici usvojila Zaključak broj: 02-20-4690/20 od 24.03.2020. godine kojim se zadužuje Ministarstvo za poljoprivredu, šumarstvo i vodoprivredu da kreira Program za podsticanje proljetne sjetve.

Shodno Odluci o usvajanju Programa utroška sredstava sa kriterijima raspodjele sredstava „Subvencije privatnim preduzećima i poduzetnicima – Poticaj za poljoprivredu“ utvrđenih Budžetom Federacije Bosne i Hercegovine za 2020. godinu Federalnom ministarstvu poljoprivrede, vodoprivrede i šumarstva („Službene novine Federacije BiH“, broj: 14/20, 16/20 i 23/20) i aktu Federalnog ministarstva poljoprivrede, vodoprivrede i šumarstva broj: 03-20-518/20 od 31.03.2020.godine, a na osnovu člana 22. stav (1) i (2) Pravilnika o uslovima i načinu ostvarivanja novčanih podrški po modelu ostalih vrsta podrški („Službene novine Federacije BiH“, broj: 24/20), Ministarstvo za poljoprivredu, šumarstvo i vodoprivredu Zeničko-dobojskog kantona je osiguralo sredstva u budžetu Kantona kojima će zajedno sa Federalnim ministarstvom poljoprivrede, vodoprivrede i šumarstva i jedinicama lokalne samouprave - općinama i gradovima Zeničko-dobojskog kantona, udružiti sredstva za sufinansiranje proljetne sjetve. Međusobni odnosi, nadležnosti, obaveze i visina podrške iz budžeta Federacije BiH, budžeta kantona i budžeta gradova/općina za 2020. godinu će biti uređeni Sporazumom o realizaciji programa poticanja proljetne sjetve, kojeg će potpisati sve tri strane.

Po Programu za podsticanje proljetne sjetve za 2020. godinu u budžetu Kantona su osigurana sredstva u iznosu od 345.842,00 KM.

U izradi Programa za podsticanje proljetne sjetve za 2020. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Zahtjevi klijenata - lokalnih zajednica gradova i općina,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji,
- Preporuke naučnih i stručnih institucija iz sektora i
- Sinhronizacija sa federalnim podrškama.

II - CILJEVI I SVRHA PROGRAMA

1. CILJEVI PROGRAMA

Cilj ovog Programa je poticanje proljetne sjetve. Programom će biti realizovana podrška Klijentima - jedinicama lokalne samouprave, u cilju povećanja obima poljoprivredne proizvodnje u tekućoj godini:

- povećanje obima poljoprivredne proizvodnje u okviru domaćinstava kako bi se umanjili štetni uticaji izazvani pandemijom izazvanom Corona virusom i poboljšao materijalni položaj građana,
- povećanje obima korištenja poljoprivrednog zemljišta s ciljem povećanja obima poljoprivredne proizvodnje i obezbjeđenje dovoljnih količina povrća za vlastita domaćinstva i za tržište,
- osiguranje stabilnijeg dohotka od poljoprivrede i ostvarivanje boljeg životnog standarda poljoprivrednih proizvođača koji zasiju neiskorištene poljoprivredne površine,
- umanjeње štetnih uticaja krize.

2. SVRHA PROGRAMA

Svrha ovog Programa je dodatno podsticati poljoprivrednu proizvodnju i djelomično olakšati ekonomsku situaciju poljoprivrednim proizvođačima koji se odluče za proljetnu sjetvu u okviru raspoloživog budžeta. Federalno ministarstvo poljoprivrede, vodoprivrede i šumarstva, Kantonalno ministarstvo za poljoprivredu, šumarstvo i vodoprivredu i općine/gradovi Zeničko-dobojskog kantona zajednički podržavaju proljetnu sjetvu kroz sufinansiranje nabavke:

- a) sjemena,
- b) mineralnog đubriva i
- c) zaštitnih sredstava.

III – KRITERIJI ZA RASPODJELU

Pravo na sredstva za podsticanje proljetne sjetve iz Budžeta Zeničko-dobojskog kantona imaju Klijenti – jedinice lokalne samouprave, odnosno općine i gradovi u slijedećim iznosima:

1. Općina Tešanj	50.000,00 KM
2. Općina Usora	30.000,00 KM
3. Općina Doboju-Jug	20.000,00 KM
4. Općina Maglaj	50.000,00 KM
5. Općina Zavidovići	11.000,00 KM
6. Općina Žepče	40.000,00 KM
7. Grad Zenica	36.324,00 KM
8. Općina Kakanj	20.000,00 KM
9. Grad Visoko	70.000,00 KM
10. Općina Breza	8.518,00 KM
11. Općina Vareš	4.000,00 KM
12. Općina Olovo	6.000,00 KM

UKUPNO: 345.842,00 KM

Iznos dodijeljenih sredstava iz budžeta Kantona utvrđen je i zajednički usaglašen sa svakim Klijentom na osnovu dostavljenih zahtjeva koji su sačinjeni na bazi iskazanog interesa i prijava individualnih poljoprivrednih proizvođača na Javni poziv za prikupljanje prijava za poticanje proljetne sjetve u Federaciji Bosne i Hercegovine za 2020.godinu. Dodijeljena sredstva Klijenti će zajedno sa vlastitim sredstvima prikazati Federalnom ministarstvu poljoprivrede, vodoprivrede i šumarstva kao jedinstven iznos, kako bi mogli ostvariti i podršku iz budžeta Federacije BiH.

IV - NAČIN OSTVARIVANJA PODRŠKI

Podršku mogu ostvariti Klijenti – jedinice lokalne samouprave, odnosno gradovi i općine koji ispunjavaju uslove propisane ovim Programom i Programom Federalnog ministarstva poljoprivrede, vodoprivrede i šumarstva i pod uslovima Sporazuma koji će

potpisati Federalno ministarstvo poljoprivrede, vodoprivrede i šumarstva, Kantonalno ministarstva za poljoprivredu, šumarstvo i vodoprivredu i Klijent – općina/grad, a kojim će preciznije biti utvrđena međusobna prava i obaveze.

Pravo na isplatu sredstava budžeta Kantona krajnji korisnici–poljoprivredni proizvođači mogu ostvariti pod uslovom da su:

- obavili proljetnu sjetvu na teritoriji Zeničko-dobojskog kantona,
- upisani u registar gazdinstava/klijenata,
- dostavili validan dokaz o kupovini sjemena, mineralnog đubriva i zaštitnih sredstava.

Klijent-jedinica lokalne samouprave je obavezan Kantonalnom ministarstvu za poljoprivredu, šumarstvo i vodoprivredu dostaviti kopiju konačnog izvještaja o utrošku sredstava za realizaciju programa poticanja proljetne sjetve na području svoje općine/grada, kojeg je dostavio Federalnom ministarstvu poljoprivrede, vodoprivrede i šumarstva.

U slučaju da Klijent u izvještaju o utrošku sredstava ne dostavi dokaz o utrošku cjelokupnog doznačenog iznosa obavezan je izvršiti povrat neutrošenih sredstava u budžet Kantona, srazmjerno učešću u sufinansiranju.

V - IZVORI SREDSTAVA

Izvor sredstava za realizaciju ovog Programa je Budžet Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19 i 7/20), u kojem je na stavci "Subvencije za podsticaj razvoja u poljoprivrednoj proizvodnji", u razdjelu 23, budžetska organizacija 01, potrošačka jedinica 0001, ekonomski kod 614400, NAD 402, utvrđen iznos od 3.365.260,00 KM od kojih će za realizaciju ovog Programa biti utrošen iznos od 345.842,00 KM.

Navedeni iznos realizovaće se u skladu sa prilivom sredstava u budžetu, a na bazi mjesečnih operativnih planova.

VI - KORISNICI SREDSTAVA

Korisnici sredstava su gradovi i općine Zeničko-dobojskog kantona koji ispunjavaju propisane kriterije iz ovog Programa i Programa Federalnog ministarstva poljoprivrede, vodoprivrede i šumarstva i koji potpišu Sporazum o realizaciji programa za poticanje proljetne sjetve.

Broj: 02- *11-724P* /20
Datum, 21.05.2020. godine
Zenica



DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ministarstvo finansija,
- 1x a/a.